

یوہ آکاشوانی جموں ہے نصرت تے غلام سرور تیں خبر سُنو۔

HEADLINES

۱. ملیفٹینٹ گورنر منوج سنہا نے اج اتراکھنڈ غا ہریدوار ماٹھ واقع سوامی ستیہ مترانند گری جی مہاراج غا مقدس آشرم ماٹھ منعقد سمادھی تے مورتی تنصیب کی۔
۲. وزیر اعلیٰ عمر عبداللہ نے کہیو کہ وے مرکزی وزیر داخلہ امت شاہ غے سامنے بند سیاحتی مقامات غو مسلو چائیں گا۔
۳. نائب وزیر اعلیٰ سریندر چودھری نے کہیو کہ حکومت جموں کشمیر غا ہر گراں تے بستی نانہ، مضبوط سڑک تیں جوڑن واسطے، پُر عزم ہے۔
۴. کھیڈاں بارے وزیر ستیش شرما نے کہیو جموں کشمیر ماٹھ کھیڈاں غا بُنیادی ڈھانچہ نانہ بہتر بنان واسطے 137 کروڑ روپیہ توڑی غو خرچ کیو جا چُکے ہے۔
۵. صحت تے طبی تعلیم غی وزیر سکینہ اتو نے اج ایوان نانہ دسیو کہ منشیات تیں چھٹکارو پان غا قواعد ور عمل ہو رہیو ہے جلد ہی اس نانہ حتمی شکل دے دی جے گی۔

LG IDOL INSTALLATION

لیفٹیننٹ گورنر منوج سنہا نے اج اتراکھنڈ غا ہریدوار مانہہ واقع سوامی ستیہ مترانند گری جی مہاراج غا مقدس اشرم مانہہ منعقد سماہی تے مورتی تنصیب کی، تے اُنہاں نے ترے روزہ تقریب غے تحت دھرم سبھا تے سنت کانفرنس مانہہ شرکت کی۔ سماجی میڈیا ور ایک پوسٹ مانہہ لیفٹیننٹ گورنر منوج سنہا نے کہیو کہ وہ اس مقدس تقریب مانہہ شامل ہوغے خود نانہہ خوش نصیب محسوس کر رہیا ہیں۔ اُنہاں نے مزید کہیو کہ پروگرام غے دوران اُنہاں نے ملک مانہہ جاری معاشی، ثقافتی تے روحانی بیدادی ور روشنی کھلی، جہڑی سماج مانہہ ایک نوی تے مثبت سوچ نانہہ جنم دے رئی ہے۔

CM TOURISM

وزیر اعلیٰ عمر عبداللہ نے آج کہو کہ وہ اپنا آئیندہ دورہ غے دوران مرکزی وزیر داخلہ امت شاہ غے سامنے بند سیاحتی مقامات غو مسلو چائیں گا۔ کانگریس غا رُکن اسمبلی نظام الدین بھٹ غا ضمنی سوال غو جواب دیتا واں وزیر اعلیٰ نے کہو کہ یاہ گل درست ہے کہ گزشتہ سال اپریل ماہ پہلگام دہشت گرد حملہ تیں بعد گجھ سیاحتی مقامات بُن توڑی بند ہیں۔ انہاں نے کہو کہ بُن وقت آگیو ہے کہ ان مقامات ناہہ دوبارہ تیں کھولیو جے وزیر اعلیٰ نے مزید کہو کہ، حکومت غی طرفوں، اس معاملہ ور ، مرکزی حکومت غے نال ،گل بات کی جے غی۔ انہاں نے مزید اس طرح کہو۔۔۔۔۔واضع رہ جے 22 اپریل ناہہ پہلگام ماہہ دہشت گردانہ حملہ تیں بعد، ایل۔جی۔ انتظامیہ نے تقریباً 50 سیاحتی مقامات ناہہ بند کردتوتھو۔

CM LAND

وزیر اعلیٰ عمر عبداللہ نے آج کہیو کہ حکومت نے سال 2025 مانہ قدرتی آفات تیں متاثر، بے زمین خانداناں واسطے 40 سالہ لیز ور 5 مرلہ زمین دین غی منظوری دتی ہے۔ اُنہاں نے دسیو کہ ادھمپور ضلع مانہہ اچانک سیلاب تے مٹی کھسکن سنگ متاثر ہون آلا 6400 تیں متہ خانداناں نانہہ مالی مدد فراہم کی جا چُکی ہے۔ وزیر اعلیٰ نے اسمبلی مانہہ بی۔جے۔پی رُکن بلونت سنگھ منکوٹیا غا ایک سوال غا تحریری جواب مانہہ کہیو کہ وزراء غی کونسل نے اس بارا مانہہ فیصلو لیو، جس تیں بعد 2 جنوری نانہہ سرکاری حکم جاری کیو گیو تھو۔ اس حکم غے تحت سیلاب، مٹی کھسکن، بادل پھٹن تے زلزلہ غی وجہ تیں بے کھر ہون آلا ہر، بے زمین خانداناں نانہہ 5 مرلہ سرکاری زمین دتی جے غی۔

Dy CM ROADS

نائب وزیر اعلیٰ سریندر چودھری نے کہیو کہ حکومت جموں کشمیر غا ہر گراں تے بستی نانہہ، مضبوط سڑک تیں جوڑن واسطے، پر عزم ہے۔ وہ اسمبلی ماتہہ رُکن اسمبلی جاوید حسن بیگ غا سوال غو جواب، دے رہیا تھا۔ انہاں نے دسیو کہ سڑکاں غی تعمیر واسطے منظم تے مرحلہ وار طریقہ اپنایا جا رہیا ہیں جس ماتہہ پی۔ای۔جی۔ایس۔وائی۔۔۔سی۔آر۔آئی۔ایف۔۔۔ نابارڈ تے یوٹی کیپکس جیسی اہم سکیم شامل ہیں، جہیڑی جموں کشمیر سڑک پالیسی 2021 غے مطابق ہیں۔ انہاں نے مزید کہیو کہ ان سکیمان غے تحت منصوبان غی منصوبہ بندی، منظوری تے عمل درآمد مقررہ وقت غے اندر کیا جیں۔ تے ان غو باقاعدہ جائیزو لیو جے۔

CHILD MARRIAGE RESCUE

پولیس بچاں غا تحفظ بارے یونٹ چلائڈ ہیلپ لائن تے ضلعی ٹاسک فورس نے گزری شام نانہہ ضلع ادھمپور مانہہ ایک 14 سالہ گدڑی نانہہ بچایو جس نانہہ جبراً بیاہ واسطے مجبور کیو جارہیو تھو یوہ بچاؤ آپریشن ضلع ادھمپور غی ایم ایچ سڑک ور چائیلڈ ہیلپ لائن ور موصول ہون آلی اطلاع تیں بعد کیو گیو۔ ادھمپور انتظامیہ تے پولیس غی طرفوں دیتا گیا مشورہ غے باوجود بیاہ جاری تھو اس سلسلہ مانہہ چائیلڈ ویلفیر کمیٹی غی سفارش ور عمل کرتا وان فدری نانہہ دیکھ بال تے تحفظ غی ضرورت مانہہ کھٹ عمر یعنی بچہ قرار دتو گیو ہے۔ حکام نے دسیو ہے جے گدڑی نانہہ اس غی حفاظت تے بہود بارے بچہ دیکھ بھال مانہہ منتقل کردتو گیو ہے اس بارے مزید جانکاری دیتا وان ادھمپور نائب تحصیلدار عنایت علی نے اس طرح کہیو۔

GOVT SPORTS

حکومت نے اج ایوان نانہہ دسیو کہ سال 2025-26 غے دوران جموں کشمیر مانہہ کھیڈاں غا بُنیادی ڈھانچہ نانہہ بہتر بنان واسطے 137 کروڑ روپیہ توڑی غو خرچ کیو جا چکوبے۔ یہ جانکاری نوجوان خدمات تے کھیڈ بارے محکمہ غا وزیر ستیش شرما نے اسمبلی مانہہ رُکن چندر پرکاش گنگا غا سوال غا جواب مانہہ دتی۔ وزیر نے مزید کہیو کہ کھیڈاں گا شعبہ تے اس سنگ جُری سرگرمیاں واسطے کیپیکس بجٹ غے تحت 150 کروڑ روپیہ منظور کیا گیا ہیں۔ جن وچوں دسمبر 2025 توڑی 56 کروڑ 57 لکھ روپیہ خرچ کیا جا چکا ہیں۔

ITOO DRUG MENANCE

صحت تے طبی تعلیم غی وزیر سکینہ اتو نے اج ایوان نانہہ دسیو کہ منشیات تیں چھٹکارو پان غا قواعد ور عمل ہو رہیو ہے جلد ہی اس نانہہ حتمی شکل دے دتی جے غی اُنہاں نے مزید کہیو کہ قواعد غے ذریعے جموں کشمیر مانہہ منشیات جیسی لعنت غے خلاف لرائی نانہہ نمایاں طور ور فروغ دتو جارہیو ہے اس گل گو ذکر وزیر نے دیویانی رانا غی جانب تیں قانون ساز شام لعل شرما غے ذریعے چایا گیا منشیات تیں چھٹکارا مراکز تیں متعلق ایک سوال غا جواب مانہہ کہیو وزیر موصوف نے کہیو جے جموں کشمیر مانہہ اس بدھتی وی سماجی وبا تیں نمڑن بارے اسمبلی گا موجودہ اجلاس مانہہ منشیات غی لعنت غے خلاف ایک بل وی آئیو جے غو اُنہاں نے اس گل گو ذکر وی کیو جے ایوان کا قانون سازاں سمیت تمام شراکت داراں گو اجتماعی فرض ہے جے وے اکٹھا ہو گے اس برائی غو مقابلو کریں۔

PANCHAYATS DELIMITATION

جموں کشمیر انتظامیہ نے اج کہیو جے وے مرکز غازیر انتظام علاقہ مانہہ پنچائیتاں غی نواں سرا تیں حد بندی غا عمل شروع کرن ور کوئی وی تجویز نہیں کی جارئی آکاشوانی جموں غا نامہ نگار نے اطلاع دتی ہے کہ بیاہ وضاحت دیہی ترقی تے پنچائیتی راج غا وزیر انچارج جاوید احمد ڈار نے اسمبلی حلقہ لنگیٹ گا قانون ساز خورشید احمد غے ذریعے چایا گیا ایک سوال گا تحریری جواب مانہہ ذکر کیو اپنا جواب مانہہ وزیر نے اس طرح غی کوئی وی مشق نانہہ مسترد کرن بارے ایک حالیہ سرکار نوٹفیکیشن غو حوالہ وی دتو جس مانہہ کیو گیو ہے جے جموں کشمیر مرکزی زیر انتظام مانہہ پنچائیتاں غی حد بندی زیر غور نہیں ہے۔

HAJJ PILGRIM VACCINATION

چیف میڈیکل افسر ادھمپور ڈاکٹر انیل منہاس نے اج سرکاری طبی کالج تے اسپتال ادھمپور مانہہ عازمین حج ویکسینیشن کیمپ 2025 غو افتتاح کیو اس کیمپ گو انعقاد ضلعی سطح غی تیاریاں غا ایک حصہ غا طور ور کیو گیو تانجے عازمین حج غی روانگی تیں پہلاں ان غی صحت تے حفاظت نانہہ یقینی بنایو جاسکے اس مہم غے دوران کل 32 عازمین ٹیکہ لا چکا ہیں جس مانہہ 15 مرد تے 17 کالسری شامل تھیں سرکار طبی کالج ادھمپور مانہہ طبی عملہ نے ٹیکہ لان غا عمل نانہہ آسانی سنگ انجام دتو عازمین نانہہ حج غے دوران صحت تیں متعلق احتیاطی تدابیر، صحت غی دیکھ بھال تے عام طبی مشورہ بارے وی دسیو گیو آکاشوانی غا خبراں آلا شعبہ نال گل کرتا وان چیف میڈیکل آفیسر ادھمپور ڈاکٹر انیل منہاس نے اس طرح کہیو۔ اس سلسلہ مانہہ ایک عازمین محمد لطیف وانی غو کہنو تھو۔

LABOUR DEPT RBN

محکمہ مزدور رام بن نے ضلع غا نوجواناں واسطے پردھان منتری وکست بھارت روزگار یوجنا ور عمل درآمد شروع کیو ہے۔ اس سکیم غو بُنیادی مقصد، پہلی بار نوکری کرن آلا نوجواناں نانہہ 15 ہزار روپیہ توڑی غی مالی مدد فراہم کرنو ہے۔ اس تیں علاوہ نوکری فراہم کرن آلا، جھپڑا نوجواناں نانہہ ملازمت فراہم کریں، حکومت اُنہاں نانہہ ہر ملازم غے بدلے 3 ہزار روپیہ توڑی ماہانہ بطور ترغیب دے غی تانجے روزگار گا مواقع بدھ سکیں۔ بیاہ سکیم نوجواناں مانہہ

بدھتی ہوئی بے روزگاری، مہارتاں تے صنعت غی ضروریات غے بشکار فرق جیسا مسائل نانہہ
کھٹ کرن واسطے شروع کی گئی ہے۔ اس سکیم مانہہ نجی شعبہ غی شمولیت ور وی زیادہ زور
دتو گیو ہے۔ تانجے زیارہ نوکری پیدا ویں، تے افرادی قوت غی بہتر تربیت ہوسکے۔ اس
حوالہ تیں مزید جانکاری دیتا واں اسٹینٹ لیبر کمشنر رام بن، امت کمار نے اس طرح کہیو۔۔۔

NEWS READ BY NUSRAT
NEWS READ BY GHULAM SARVAR
NEWS EDITOR KUNAL SHRIVATSA
SKILLED RAJAT
TECH ASST GOKUL
DEO NUSRAT